

四部總錄醫藥編

第二册

衛生家寶產科備要八卷

宋淳熙刊本半葉九行行十五字 光緒刊十

萬卷樓叢書本

宋朱端章撰。端章，長樂人。知南康軍。

產科備要八卷（按題詞本有○入述古堂宋板書目，與述古目注鈔字互異。○鈺案宋志作朱端章衛生家寶產科方八卷。）長

樂朱端章以所藏諸家產科經驗方編成八卷。淳熙甲辰歲刻板（補刊本作校）南康郡齋。楮墨精好可愛。首列（補勞校本列下

增入月產圖四字。云據恬俗藏書記宋刊本改下同。）借地禁草禁水（補勞校本水下

增逐月安產四字。）三法。古人於產婦入月慎重如此。今罕有行之者。亦罕有知之者矣。

【讀書敏求記校證】

讀宋槧本衛生家寶產科備要八卷。凡六册。末卷有題記三行云。長樂朱端章以所藏諸

家產科經驗方編成八卷。刻板南康郡齋。淳熙甲辰歲十二月初十日。其目錄末一頁。有

翰林醫學差充南康軍駐泊張永校勘字。所載有孫真人養胎論。徐之才逐月養胎方。李

聖師產論廿一篇。（大觀三年序。郭稽中附方。）虞氏備產濟用方。（紹興庚申重陽日

餘姚虞流序。）【竹汀日記】

產科備要 此書載於讀書敏求記。以為紙墨精好可愛。余所得本。正與遵王之說合。全書無序有目。題曰衛生家寶產科方。分八卷。目錄有結銜一行云。翰林醫學差充南康軍

駐泊張永校勘。每卷題曰衛生家寶產科備要。末卷有跋語三行云。長樂朱端章以所藏

諸家產科經驗方編成八卷。刻板南康郡齋。淳熙甲辰歲十二月初十日。蓋是書猶是淳熙原刻也。嘉定瞿木夫為余跋云。此淳熙十

一年長樂朱氏取諸家產科方合刻成書。中遇輟懸字俱缺筆。又丸皆作圓。避欽宗嫌名

也。其所載產育寶慶集方。陳直齋謂李師聖有說無方。醫學教授郭稽中。為時良醫。以方

附論。遂為完書。今考師聖自序。知郭與李同時。是書實成於師聖也。當歸一味散。注引王子亨指述論。子亨名既直齋書目載之。今已

失傳。桃仁承氣湯。謂龐安常用之驗。安常名安時。有傷寒總病論行世。產育方藥諸書。唐

志載管股產寶一卷。今惟寶慶集方尚存。永樂大典中。然已佚去借地法矣。猶賴此書傳

之。所采虞統備產濟用方諸論。尤為切要。云云。則產科備要。而必係以衛生家寶。不誠可

珍哉。【百宋一廬書錄】

衛生家寶產科備要八卷（宋刊本） 宋朱端章編。是書集諸家產科經驗方成帙。首列八月產圖。中有借地禁草禁水逐月安產

法。書錄解題所載產寶諸方一卷。以十二月產圖冠之。疑即此書也。卷第四李師聖編論。郭稽中附方。疑即直齋書錄所載產育保慶

集一卷也。卷第六許學士產科方，當謂紹興中許叔微，其餘雜采諸家方論甚備，諸家書目俱不載，惟見錢氏敏求記。目錄後有翰林醫學差充南康軍駐泊張永校勘一行，卷末有自記三行（已見前），每半葉九行，行十五字。書中遇轅懸字俱減筆，九皆作圓。【鐵琴銅劍樓藏書目錄】

衛生家寶產科備要六卷（影寫宋刊本）

宋朱端章撰。案朱端章書成于淳熙中，四庫未收。此從宋本影寫，每頁十八行，每行十五字。【詠宋樓藏書志】

衛生家寶產科備要八卷，長樂朱端章編。石遺室書錄云：宋本作此書名，讀書敏求記只稱產科備要，鐵琴銅劍樓書目云：詠宋樓藏書志云（均已見前）。【福建藝文志】

按陸心源重雕宋本衛生家寶產科備要序，見（儀顧堂集），亦可參閱。

### 女科撮要二卷

薛氏醫案全書本

明薛己撰。已有內科摘要，已著錄。女科撮要二卷（薛氏醫書本）。明薛己撰。是編上卷雜論女科諸病，下卷為胎產諸證，各分十有六門，方藥治驗，隨繫其下，言多切中，學者審證確合，可獲奇效也。【慈雲樓藏書志】

### 廣嗣紀要十六卷

雍正刊萬密

齊醫學全書本 中國醫學大成本

明萬全撰。全有痘疹心法，已著錄。

萬氏全廣嗣紀要五卷，存。萬全曰：全嘗著廣嗣紀要，一曰修德以積其慶，二曰寡慾以全其真，三曰擇配以昌其後，四曰調元以却其疾，五曰協期以會其神，遵而行之，有子之道也。【醫籍考】

### 傅青主女科二卷產後編

#### 一二卷

世補齋醫書本 道光丁亥張

鳳翔刻本 海山仙館叢書本以上二本均無產後編 光緒七年五福堂刊本二卷題傳徵君男女科 又十九年閩浙督署刊本多掃葉 山房刊男科二卷女科續一卷 湖北官書局刊本同

清傅山撰。山字青主，一字公佗，山西陽曲人。明末諸生，入清奉母隱居。

陽曲傅青主舍人山精醫理，見其所著女科上下卷，能窮奧妙之旨，舍人之診疾也微而臧，其用方也奇而法，非東垣丹溪諸人所能窺其戶牖。昔人稱張仲景有神思而乏高韻，故以方術名，舍人既擅高韻，又饒精思，賢者之不可測如是夫。【硯桂緒錄卷十一】

謝觀曰：此書有張鳳翔及海山仙館刊本。陸懋修所訂本，為女科二卷，產後編二卷。產後編中所載各病，與女科卷末互相出入。陸謂其作產後一編之意，專為闡發生化湯而說，乃易其名曰生化編。又就女科八門，重訂為

八卷、共九卷。其子潤庠刻入世補齋醫書後集中、又併爲三卷。

### 濟陰綱目十四卷

雍正六年善

成堂刊本 四庫存目 民國三年上海錦章圖書局石印本 中國醫學大成本 日本寶永七年恒心堂刊本

清武之望撰。汪淇箋釋。之望字叔卿、自署關中人、淇字瞻漪、一字右子、錢塘人。

濟陰綱目十四卷（大學士英廉家藏本）

國朝武之望撰。汪淇箋釋。是書所分門目、與證治準繩之妇科相同、文亦全相因襲、非別有所發明、蓋卽王肯堂書、加以評釋圈點、以便檢閱耳。【四庫全書總目提要】

濟陰綱目十四卷（蠅寄刊本） 國朝武之望撰。汪淇箋釋。四庫全書存目。是編分綱列目。所載方論。卽王宇泰之證治準繩中妇科一門。蓋從之錄出。以便專是科者究習。而

汪淇加以圈點、并爲評釋於上方。前有康熙乙巳汪淇序及凡例、其凡例稱此刻之後、隨有慈幼綱目、卽證治準繩之幼科也。復增圈點評釋、亦如是編之精詳、今其書未見云。【慈雲樓藏書志】

### 達生編一卷

雍正刊本 濟世專門

編本 同治刊附普濟良方後本 光緒重刊 附普濟良方後本 醫林指月本二卷 同治

四年篆雲齋刊本 又十一年刊萍鄉文晟增訂本 光緒十年重刊文氏十種彙編本並同 民國十八年排印本三卷附福幼編一卷

清亟齋居士撰。

達生編二帙（醫林指月本） 國朝亟齋

居士撰。不著名氏。前有自序。題康熙乙未記於南昌郡署之西堂。其書專爲難產而設。謂難產之由、在于坐草太早、驚慌努力、妄任穩婆所致、大要在順其自然、勿得急迫勉強、言

之甚詳。蓋生育本天地自然之理、其言自是至論、他說亦無一不確。所載方藥皆平穩、亦不多。序中諄諄以鈔錄重刻時、不可增入方藥、以相矛盾。其前又有大意九條、卽是書之凡例也。【慈雲樓藏書志】

按朱琦達生編全嬰心法合刻序、見（小萬卷齋文藁）亦可參閱。

### 女科經綸八卷

康熙間刊本 光

緒十六年掃葉山房刊本 中國醫學大成本 清蕭壘撰。壘字賡六、又號慎齋、携李人。

蕭氏壘女科經綸八卷、存。自序曰、余纂輯醫學經綸、博極羣書、兼綜條貫、凡雜證得一百六十有三、採摭名賢之論七千條、有奇、而婦人月經諸證不與焉。誠以婦人之病、莫重於月經、胎產崩淋帶下、是以別立標名曰女科經綸、凡一切內外虛實寒熱、各有條序、按之、略方名、詳治論、俾學者知所從事、其於婦



人病、庶毋患治療之倍難於男子也。【醫籍考】

### 產孕集二卷

道光二十六年丙午刊

本 同治四年乙丑楊氏重刊木活字本 又

十年重刊本 中國醫學大成本有補遺一卷

清張曜孫撰。曜孫字仲遠，陽湖人。

產孕集二卷，存。國朝湖北督糧道張曜孫

仲遠撰。分內外篇為上下卷，內篇辨孕、養孕

宜、孕忌、孕疾、外篇辨產、產戒、用藥、應變、調攝

懷嬰、拯危去疾，共十三篇，附以方藥。成於道

光十年，自為序，略言欲治難產，先理胎教，欲

理胎教，先明理則，禮教墜廢，內儀不修，燕私

昵於帟帷，勤惰愆於厥職，以苟適為便，以傲

恣為高，蓋自搢紳浸於編戶，女德日敝，難產

日多，競哀其末，莫知其本，此又士君子修齊

之責矣。【武陽志餘經籍志】

以上婦科

### 銀海精微二卷

明萬曆十五年陳

氏刊本 四庫全書本 特賢樓刊本四卷

中國醫學大成本

唐孫思邈撰。思邈華原人。隋文帝召為國子博士，不就。

銀海精微二卷（內府藏本） 舊本題唐

孫思邈撰。唐宋藝文志皆不著錄。思邈本傳

亦不言有是書，其曰銀海者，蓋取目為銀海

之義。考蘇軾雪詩，有凍合玉樓寒起粟，光搖

銀海眩生花句。瀛奎律髓引王安石之說，謂

道書以肩為玉樓，目為銀海。銀海為目，僅見

於此。然迄今無人能舉安石所引出何道書

者，則安石以前絕無此說，其為宋以後書明

矣。前有齊一經序，稱管河北道時，得於同僚

李氏，亦不著時代年月，莫知何許人也。其辨

析諸證，頗為明晰。其法補瀉兼施，寒溫互用，

亦無偏主一格之弊。方技之家，率多依託，但

求其術之可用，無庸核其書之必真。本草稱神農，素問言黃帝，固不能一一確也。此書療目之方，較為可取，則亦就書論書而已。【四庫全書總目提要】

銀海精微二卷 舊本題唐孫思邈撰。其名

乃取王安石論蘇軾詩語，偽不待辨，然所論

治目之法，乃多中理。【四庫全書簡明目錄】

銀海精微四卷（通行本） 舊題孫思邈

撰。四庫全書著錄，作二卷。唐宋志俱不載。按

道書以目為銀海，然用之者，始見於東坡雪

詩，則非唐人所名可知矣。前有河北兵巡道

齊一經序，稱是書未知何人氏所撰著，昔直

掖垣，得於同寅友李沖涵公。則是原本不著

撰人名氏。云孫真人者，殆後人所加。齊序不

著年月，未詳何代人。然觀其結銜，自是明人，

則書出於明代。然其所載治目方法，極為可

取，則亦不必論其書之真偽矣。【慈雲樓藏

書志】

銀海精微二卷（明刊本） 舊題唐孫思邈撰。唐宋藝文志皆不著錄，其名乃取王安石論蘇詩光搖銀海之語，僞不待辨。然五輪八郭總論及治目各法，乃多中理，四庫總目所收，謂前有齊一經序。世傳坊刻，皆出齊本，即東瀛翻者亦然。此猶明時舊刊，攷一經山東萊州府平度州濰縣人，中隆慶五年辛未進士，管河北道，當在萬歷間也。【善本書室藏書志】

### 祕傳眼科龍木總論十卷

明隆慶元年陝西布政司刊本 萬歷三年乙亥書業堂刊本 大文堂刊本

舊題葆光道人撰。

祕傳眼科龍木總論十卷存。按是書方論與聖濟總錄幼新書所援相符，而自第一卷至第六卷，載七十二證方論，每條摭以審的歌，第七卷係宋人諸家名方，第八卷鍼灸

經第九第十兩卷，辨論藥性，蓋後人就其舊本演以成編者也。符谷掖齋（望之）嘗藏一本，寫手精善，古香可愛，云是應永中所鈔者。考應永即明洪武季年，據此，是書當是宋元間人所編矣。萬歷中毅所黃氏所梓行，卷首附葆光道人祕傳眼科一卷，每卷各以方論分篇，文字多譌，不易讀矣。頃日常陽丹墀天祥（元禎）示其所藏大字鈔本，原亦係黃刻，題曰祕傳眼科龍木集，卷首不著葆光道人書。【醫籍考】

祕傳眼科龍木總論十卷（應永廿七年舊鈔粘葉本 躋壽館藏） 每半葉高七寸，幅四寸，七行，行十八字。第六卷末頁腦有應永七年三月口口（蠹蝕）一行蠅頭細書。按此本為符谷望之舊藏，册不牋釘，紙心粘裝，宋人所謂蝴蝶裝也。第一卷至第六卷，載七十二證方論，與聖濟總錄幼新書所援相符。（新書曰龍木論四卷即是也）中

間摭以審的歌，蓋宋史劉皓眼論審的歌一卷者也。第七卷至第十卷，後人所演，疑出元人手，是書從來唯傳明刻，謄字甚多，得此本始可得讀矣。又明隆慶改元刊本（福井榕亭藏） 隆慶改元陝西布政司刊，都事邵武丘鳴鶴校，甘肅左衛右所正千戶宋寶同校正。按此本全與應永本同，彼總目在總論之後，此則在前，殊為得體，其他皆不及彼之精善。（應永本用圓字，是南宋本之面目，此用丸字，為後人所改）又有萬歷乙亥刊本（聿修堂藏）卷首有葆光道人祕傳眼科。又按醫方類聚所載龍樹菩薩眼論，是隋唐間物，與此不同，得效方有龍木論一卷，亦別一書。【經籍訪古志補遺】

### 原機啓微二卷附錄一卷

薛氏醫案全書本 乾隆廿二年刊本 中國醫學大成本

元倪維德撰。維德字仲賢，先為大梁人，徙居吳。晚建別墅於勅山，自號勅山老人。

倪氏維德原機啓微（醫藏目錄二卷）存。

蘇州府志曰（略）【醫籍考】

原機啓微二卷附錄一卷（薛氏醫書本）

明薛己撰。此立齋治目之旨也。上卷為論

凡十八條。下卷為君臣佐使逆從反正說及

方藥。附錄為論十條。先列古人之說，而以己

說為案語。亦有附方。又間以古人及己所治

驗繫之。【慈雲樓藏書志】

原機啓微二卷附錄一卷 元倪維德著。明

薛立齋註。嘉靖壬辰，長洲王庭序曰：原機啓

微一書，敕山老人所著也。是書載治眼一科，

書凡二卷。上卷論疾病之原，如淫熱反尅之

病、風熱不制之病、七情五賊勞役饑飽之病、

血為邪勝凝而不行之病、氣為怒傷散而不

聚之病、血氣不分混而遂結之病、熱積必潰

之病、陽衰不能抗陰之病、陰弱不能配陽之

病、心火乘肺腎衰反制之病、內急外弛之病、

奇經客邪之病、為物所傷之病、傷寒愈後之

病、強陽搏實陰之病、亡血過多之病、斑疹餘

毒之病、深疔為害之病。下卷論方制之宜，以

及君臣佐使逆從反正之義，并應用各附方。

其附錄一卷，論目為血脈之宗，論目昏赤腫

翳膜皆屬於熱，論目疾宜出血最急論、內障

外障論、眼症分表裏治論、瞳子散大論、倒睫

赤爛論、目不能遠視為陰氣不足論、目疾分

三因論、偷鍼眼先哲治驗論、瞳子散大治驗

論等類。其說甚明，使人可按疾而治。薛公新

甫見之請梓焉，以廣其傳。仍撰次己所見聞

為一卷，附錄於後。【中國醫學大成總目提

要】

### 一草亭目科全書 一卷附

薛氏選方一卷 藝海珠塵本

康熙丁酉廣寧年希堯與異授眼科合刊

本題啓陳真諦 光緒八年胡芝樵重刊本題

名同 又二十七年嘉興姚伯純刊本 中國

醫學大成本

明鄧苑撰。苑字博望，清江人。

一草亭目科全書一卷（藝海珠塵本）

明鄧苑撰。苑以目有七十二證之名，總不越

內外二障，因作是書，先之以目論目圖，次為

目議，分內障外障治法以及各方，並附小兒

目疾治法，後刻薛氏選方，皆剖析分明，毫無

剩義。雖祇一卷之書，然業是科者，熟此一編，

亦思過半矣。【鄭堂讀書記】

### 審視瑤函六卷（一名眼科大全）

明崇禎十七年 醉耕堂刊本 中國醫學

大成本

明傅允科撰。其子國棟編集。允科字仁宇，江

寧人。國棟字維藩，官南京太醫院博士。

審視瑤函六卷（醉耕堂刊本） 明傅允



科撰。其子國棟編集。尤科以目受五臟六腑之精華、右陰左陽、變理不齊、民物為殃、既經歷三十餘載、復訪名公宗匠、講究印可、廣購藏書禁方、芟繁輯簡、以成是編、首為統論二卷、次為一百有八證、以隸治法及方、凡四卷、冠以醫案圖說歌括之類、務令陰陽之縷晰、標本之攸分、內外表裏之條貫、虛實通順之森殊、鑿形辨色、以驗其因、按候察部、以鏡其要、開卷瞭然、灼如觀炬、足以供持顛扶危之一助云。其書間有未備、國棟復為校補成帙、始付諸梓。前有國棟原序凡例、又有崇禎甲申陳盟陸彬二序。【鄭堂讀書記】

以上眼科

### 口齒類要一卷

薛氏醫書本 中

國醫學大成本

明薛己撰。已有內科摘要、已著錄。

口齒類要一卷（薛氏醫書本） 明薛己

撰。前為口齒喉舌之證、凡分六門。後為骨體諸蟲體氣治法、亦分六門。卷末附以方藥。立齋諸書、各明一義、可謂盡通十三科矣。又按薛氏醫書十六種、俱四庫全書著錄。合而觀之、皆多補本扶元之法、著有成效。然係因病而施、非如後世庸流、脈證未審、動投溫補債事。立齋初不料其流弊至是也。【慈雲樓藏書志】

### 喉科指掌六卷

乾隆丁丑刊本

清張宗良撰。宗良字留僊。蘇州人。

張氏宗良喉科指掌六卷。存。乾隆丁丑彭

啓豐序曰：吾郡留僊張先生、素精醫理、其於咽喉一科、究心而深且久、採輯成方、參以己

見、條例詳細、哀集成編、自神氣脈理、以及色

之青紅紫白、音之高下沈浮、一一皆有註釋、

瞭然指掌、較若列眉、合諸所治之證、如燈取

影、百無一失、真濟厄之慈航、拯危之寶筏、其

所經驗取效、蓋不可勝數、同人咸從憑付割、厥、俾遠近之習是道者、流傳其說、發揮其蘊、其為功於世宙也、何可涯量、是為序。【醫籍考】

### 尤氏喉科一卷附方一卷

借月山房彙鈔本 中國醫學大成本

清尤乘撰。乘字生洲、吳門人。官太醫院御前

侍直。

尤氏喉科一卷附方一卷（借月山房彙鈔本） 舊題尤氏撰。不著時代名字。琴川吳炳篆跋云：喉證書亦多矣。惟錫山尤氏所著、

不蔓不支、不偏不漏。其議論渾括包舉、其治

法、縷析條分。蓋尤氏為喉科專家、多有祕方、

故著而為書、深中竅要。至附方一卷、乃係吳

氏所輯經驗良方、亦不著名字、非尤氏作也。

【慈雲樓藏書志】

### 喉科祕鑰二卷

光緒十七年刊本



清鄭西園輯、許佐廷訂。西園佐廷（字樂泉）皆歛人。

喉科秘鑰二卷。清鄭西園原輯。許佐廷增訂。是編分上下二卷。上卷為喉症要說、喉症歌訣、喉症方藥。下卷為喉症圖說、喉症補編。蓋是書為西園原本、而佐廷十年證治之驗附焉。有同治戊辰許佐廷序。可按也。光緒十年七月、鳳泉姚清祺為之跋尾、謂喉症命係呼吸、在病中尤為危急、有是方術、不可不廣為流傳、爰重刊以公諸世云。【安徽通志藝文考稿】

### 白喉證治通考一卷

光緒癸卯

刊本 多伽羅香館叢書本 中國醫學大成  
本

清張采田撰。采田字孟劬、錢塘人。

白喉證治通考一卷。清張采田撰。首述諸家論略以溯其源、次列藥治禁忌、附不治之

證、喉證治案、古今名醫疑似治案、抉微辨謬、主治驗方等。博採治白喉之驗方、網羅古今

白喉之學說、以辨正洞天之謬誤、識見高人一等、凡研究白喉症治者、是書必宜參考也。【中國醫學大成總目提要】  
以上喉科

### 鍼灸甲乙經十二卷

明彭宗鈔

本 正統丁巳刊本半葉九行行廿四字 明  
吳勉學刊醫統正脈本 四庫全書本八卷  
光緒十一年乙酉存存軒刊本 又十三年丁亥行素草堂重刊本 步月樓刊本

晉皇甫謐撰。謐有高士傳、已著錄。

黃帝鍼經九卷 原釋、八十一篇、與靈樞經同。（玉海引作大氏同亦八十一篇）鍼經以九鍼十二原為首、靈樞以精氣為首、又間有詳略。（又漢書藝文志攷證十引至此）王冰以鍼經為靈樞、故席延賞云、靈樞之名、

時最後出。（玉海六三）【中興館閣書目輯考】

黃帝三部針經十三卷 皇甫謐撰。本舊唐志、据四庫目提要云、是書即隋志黃帝甲乙經十卷、注曰音一卷、梁十二卷、不著撰人。舊唐志始題謐名、併音計之、故較梁本多一卷。新唐志既錄黃帝甲乙經十二卷、又錄黃帝針經十三卷、是兼襲二志之文、誤分為兩矣。元案通志亦承新唐志複誤、惟宋志錄皇甫謐黃帝三部針灸經十二卷、注云即甲乙經、知提要辨論即本此。今存、作甲乙經八卷。【黃氏補晉書藝文志】

黃帝甲乙經十卷、音一卷、梁十二卷。不著撰人。晉皇甫謐鍼灸甲乙經序曰、（見後四庫提要引）唐日本國見在書目、黃帝甲乙經十二卷、玄晏先生撰。唐書經籍志、黃帝三部針經十三卷、皇甫謐撰。唐書藝文志、皇甫謐黃帝三部針經十二卷、黃帝甲乙

經十二卷。宋史藝文志、皇甫謐黃帝三部針經十二卷、黃帝甲乙經十二卷、即甲乙經。

（又云林億黃帝三部針灸經十二卷）

宋林億等甲乙經新校正序曰、晉皇甫謐取黃帝素問鍼經明堂三部之書為鍼灸經十二卷。又曰黃帝內經十八卷、鍼經三卷、最出遠古、皇甫士安能撰而集之。（案皇甫氏序

言鍼經九卷、在內經十八卷中、此言鍼經在十八卷之外、其說不同、疑此三卷即鍼灸治要、在外經三十七卷中。）四庫提要又簡明目錄（均見後）【隋書經籍志考證】

甲乙之誤 素問曰、陰氣盛於上則下虛、下

虛則腹脹滿、又曰、陽氣盛於上、則下氣重上而邪氣逆、逆則陽氣亂、陽氣亂則不知人。此

二段乃岐伯分答黃帝問厥或令人腹滿或令人昏不知人二語之辭。所謂陰氣者、下氣

也、下氣而盛於上、則下反無氣矣、無氣則不化、故腹脹滿也。所謂下氣者、即陰氣也、陽氣

上盛、則陰氣上奔、陰從陽之義也。邪氣亦即陰氣、以其失正而上奔、即為邪氣、邪氣既逆、陽氣乃亂、氣治則明、亂則昏、故不知人也。甲

乙經削陽氣盛於上五字、而增腹滿二字於下、虛則腹脹滿之下、則下氣重上之上。林氏

云、當從甲乙、謂未有陰氣盛於上、而又陽氣盛於上者。二公並未體認分答語辭、故其言

如此、殆所謂習而弗察者耶。心脈搏堅而長、當病舌卷而不能言、其軟而散者、當消、環

自已、按搏堅而長者、太過之脈、心象火、而脈繫舌、心火有餘、故病舌卷不能言也。軟而散

者、不足之脈、心者生之本、神之處、心不足、則精神為消、如卑牒遺亡恐懼之類是也。環自

已者、言經氣以次相傳、如環一周、復至其本位、而氣自復、病自已也。診要經終論云、刺中

心者環死、義與此同。環自己者、經盡氣復則生、環死者、經盡氣絕則死也。甲乙經環作渴非。推而外之、內而不外、有心腹積也。推而

內之、外而不內、身有熱也。下而不上、頭頂痛也。按之至骨、脈氣少者、腰脊痛而身有痺也。

甲乙經上而不下、作下而不上、下而不上、作上而不下、非。蓋上而不下者、上盛而下虛、下

虛則下無氣、故腰足冷。下而不上者、有降而無升、不升則上不榮、故頭頂痛也。經文前二段是有餘之病、故受病處脈自著。後二段是

不足之病、故當病之處、脈反衰。按之至骨而脈氣少、為腰脊痛而身有痺者、亦不足之診也。經文虛實互舉、深切診要、自當從古。【醫學讀書記】

甲乙經八卷（兩淮鹽政採進本） 晉皇

甫謐撰。是編皆論鍼灸之道、隋書經籍志稱黃帝甲乙經十卷、註曰音一卷、梁十二卷、不

著撰人姓名。考此書首有謐自序、稱七略藝文志、黃帝內經十八卷、今有鍼經九卷、素問

九卷、二九十八卷、即內經也。又有明堂孔穴鍼灸治要、皆黃帝岐伯選事也。三部同歸、文

多重複、錯互非一。甘露中吾病風、加苦鬻百日方治。案此四字、文義未明、疑有脫誤、今仍舊本錄之、謹附識於此。要皆淺近、乃撰集三部、使事類相從、刪其浮詞、除其重複、至爲十二卷。案至字文義未明、亦疑有誤。云云、是此書乃哀合舊文而成、故隋志冠以黃帝、然刪除謚名、似乎黃帝所自作、則於文爲謬。舊唐書經籍志稱黃帝三部鍼經十三卷、始著謚名、然較梁本多一卷、其併晉一卷計之歟。新唐書藝文志既有黃帝甲乙經十二卷、又有皇甫謐黃帝三部鍼經十三卷、兼襲二志之文、則更舛誤矣。書凡一百一十八篇、內十二經脈絡脈支別篇、疾形脈診篇、鍼灸禁忌篇、五臟傳病發寒熱篇、陰受病發痺篇、陽受病發痺篇、各分上下、經脈篇、六經受病發傷寒熱病篇、各分上中下、實一百二十八篇。句中夾註多引楊上達太素經孫思邈千金方王冰素問註王惟德銅人圖參考異

同、其書皆在謚後、蓋宋高保衡孫奇林億等校正所加、非謚之舊也。考隋志有明堂孔穴五卷、明堂孔穴圖三卷、又明堂孔穴圖三卷、唐志有黃帝內經明堂十三卷、黃帝十二經脈明堂五臟圖一卷、黃帝十二經明堂偃側人圖十二卷、黃帝明堂三卷、又楊上善黃帝內經明堂類成十三卷、楊元孫黃帝明堂三卷、今並亡佚、惟賴是書存其精要。且節解章分、具有條理、亦尋省較易。至今與內經並行、不可偏廢、蓋有由矣。【四庫全書總目提要】甲乙經八卷 晉皇甫謐撰。據其自序、蓋合鍼經素問明堂孔穴針灸治要三書、撮其精要以成是經、言針灸之法最悉。或曰王冰所撰靈樞經、卽割裂此書之文、僞爲古書也。【四庫全書簡明目錄】皇甫氏謐黃帝甲乙經（舊唐志作黃帝三部鍼經） 隋志十卷、註曰、晉一卷、梁十二卷、（舊唐志作十三卷）存。宋志曰、皇甫

謐黃帝三部鍼灸經十二卷、卽甲乙經。晉書曰、皇甫謐得風痺疾、因而學醫、習覽經方、手不輟卷、遂盡其妙。（太平御覽）王肅曰、皇甫士安、洞明醫術、撰次甲乙、並取三部爲定、如此、則明堂甲乙、是醫人之祕寶、後之學者、宜遵用之、不可苟從異說、致乖正理。（外臺祕要）按弟堅曰、此書命以甲乙、未有詳解。按楊玄操難經序、昔皇甫玄晏總三部、爲甲乙之科。外臺祕要引此書、其瘧病中云、出庚卷第七、水腫中云、出第八辛卷、又明堂及脚氣中、並引丙卷、然則玄晏原書、以十干列、故以甲乙命名。隋志、黃帝甲乙經十卷、可以證焉。今傳本並玄晏自序、作十二卷、蓋非其真也。魏都賦、次舍甲乙、西南其戶、李善註、甲乙次舍之處、以甲乙紀之也。景福殿賦、辛壬癸甲、爲之名秩、呂延濟註、言以甲乙爲名次也。此其義一爾。【醫籍考】甲乙經十二卷（醫統正脈本） 晉皇甫



謚撰。四庫全書著錄。隋志載黃帝甲乙經十卷、晉一卷、梁有十二卷。新唐志作十二卷、皆無謚撰之文。惟唐志又載皇甫謚黃帝三部

鍼經十三卷、宋志作十二卷、注云即甲乙經。

據其自序、非即謚所自撰、故隋志新唐志皆不題其名氏也。但新唐志別載三部鍼經十

二卷、明著其名氏、而崇文目讀書志書錄解

題則併兩書皆不載、俱不可解。是書凡一百

十八篇、言鍼灸之法最悉、諸言主之者、可灸

可刺、其言刺之者不可灸、言灸之者不可刺、

此其例也、其稱甲乙經、則莫得而詳其義矣。

或謂王冰所撰靈樞經、即割裂此書之文、僞

爲古書、然元晏實引古經以成書、非若所著

帝王世紀之僞造故事、所以靈樞一經、亦具

有源本、故可與素問並行也。其書至宋時文

字錯亂、義理顛倒、世失其傳、學之者鮮、高保

衡等奉詔校正、因取素問靈樞諸書善本校

對繕刻。【鄭堂讀書記】

鍼灸甲乙經十二卷（吳勉學校本收在醫統正脈中）又零本（存卷一卷二卷三

鈔明正統丁巳重刊本寄所寄樓藏）半

葉九行、行二十四字、序例後有正統丁巳重

刊匡子、此本校之吳氏刊本、文字大佳、與千

金外臺所引相合、惜乎所存僅止於此、張金

吾藏書志亦載正統本、不知與此同種否。【

經籍訪古志補遺】

鍼灸甲乙經十二卷 序例後有正統丁巳

重刊木記、每半葉九行、行廿四字。按近世所

行甲乙經、唯醫統正脈刊本、而脫誤宏多。更

有以林億等校注作正文者、如第一卷、心忡

惕條下、引楊上善之說、上善隋唐間人、士安

何得引之。此本不載楊上善說、凡林億等校

語俱不載、亦無林億等序、知所原在末校正

之前。其他亦多與千金外臺所引合、遠勝醫

統本。惜有殘缺。據張金吾藏書志、有明初鈔本、後有熙寧二年鏤板牒、後列富弼趙抃等

銜名、又陸氏藏書志、亦有正統刊本、則此書善本、尙未絕於中土、敬告留心醫籍者、當急爲刻之。【日本訪書志】

黃帝三部鍼灸甲乙經十二卷 明影寫宋

本、紙墨極舊、後有王安石等銜名、未有正統

六年十有五日琴川俞氏永惠堂家藏一行。

【藝風藏書記】

黃以周讀醫家孔穴書 黃帝明堂經三卷、

爲言孔穴之祖、其書久佚、今不可得而見矣。

魏晉以後、鍼灸之書行於世者、不下數十家、

總覈其例、不越二法、晉皇甫謚甲乙經以身

之部位分科、唐甄權明堂圖、孫思邈千金方

宗其例。隋楊上善明堂類成、以十二經脈及

奇經八脈爲綱領、各經孔穴、各以類附於下。

先乎楊氏、有秦承祖亦用此例。後乎楊氏、有

王肅外臺祕要更宗其例。唐時圖孔穴者、分

正伏側三人、有石刻、有銅像、宋銅人圖、英宗

有序云、於今四百餘年、石刻漫滅而不完、銅



像昏暗而難辨、朕重民命之所資、念良製之

當繼。乃命礪石範銅、仿前重作是宋銅人式

本諸唐也。後又刻諸石、仿唐正伏側三圖、十

餘字一行、百六十行為一段、五段為一卷、凡

三卷、又命王惟德纂集舊聞、訂正譌謬、為銅

人脈穴鍼灸經、亦三卷、鑿板頒行。此則總繪

全身、雖志在釐正孔穴之分寸、不在載記明

堂之舊文、而分藏府十二經、傍注俞穴所會

及主療之術、與楊上善明堂類成用意相近。

其時有偽託黃帝明堂灸經一卷、及銅人鍼

灸經七卷、其書疏舛、不足為訓。後人知黃帝

明堂非一卷也、乃取銅人經仰伏側三圖及

小兒灸方、分為三卷、題曰新刊黃帝明堂灸

經。又知銅人經非七卷也、乃補其孔穴之遺、

增其主治之法、合為三卷、題曰新刊銅人鍼

灸經。諸書皆以人身部位分科、悉如甲乙經

例、其宗楊上善明堂例者、惟元滑壽十四經

發揮、其文一依忽公泰金蘭循經、其注孔穴

則又依王執中資生經、忽書今不見。資生經

引明堂、已非黃帝本經、其引銅人、猶王惟德

之元書也。夫人之一身、無非三陰三陽及督

任諸脈為之經絡、欲治其病、必先原其何經

所發、而後按其孔穴、施以鍼灸、此古道也。後

人苦經脈之難覓、孔穴之難檢、以甲乙經法

為簡易、遂羣焉宗之、往往有知其穴而不知

其經、知其治而不知其病之所發、忘本逐末、

弊一至此。且甲乙經既以人身分部、獨於手

足題十二經之名、豈十二經專屬手足、而頭

面肩背胸腹之穴、無關於十二經乎、此皇甫

謚之疏也。然謚於頭面肩背胸腹諸穴、猶詳

其某經所發、某經之會、俾讀者得知其本原、

若西方子明堂灸經諸書、詳其主治、不詳其

經脈、思飲忘源、真可謂不知妄作者矣。【倣

季文鈔】

存古書局刊六譯館叢書本 日本有寬元年

寫本亦止存一卷

隋楊上善奉勅撰注。黃帝內經明堂十三卷（存第一卷 卷子

本 影寫舊鈔本）唐通直郎守太子文

學臣楊上善奉勅撰注。界行高四寸二分弱、

是書僅存第一卷、卷末有永仁中丹波長高

題識五條。其一云、永仁第六年仲夏、以所讀

之祕說、授嫡男長高員外醫儒丹波朝臣。（

攷系譜名篤直）其一云、受嚴說了權侍醫

長高按序云、是以十二經脈各為一卷、奇經

八脈復為一卷、合為十三卷、則舊唐志所載

楊上善黃帝內經明堂類成十三卷者是也。

但此本元類成字可疑、惜所存僅一卷、無從

照對、然今檢其體手太陰一經、自肺藏形象

以至經行臑穴、纖悉具載、更有注文、解臑穴

名義、及主治病證、極為精審、實係千金外臺

等所不有。况唐代醫書、傳世甚稀、則斷壁殘

### 黃帝內經明堂一卷

民國四川

璣亦不失爲至寶也。黃帝明堂灸經一卷（北宋槧本）每半板高七寸四分，幅三寸，十三行，行廿二三字，卷首捺長門光永寺墨印。按此書并序，舊係聖惠方第一百卷，其實唐以前書，王懷隱等編書時所採入，首行空五字位，蓋是刪去太平聖惠方字以單行者耳。至大辛亥燕山活濟堂所刊鍼灸四書中，亦載有此書，分正背側人圖及小兒灸方爲三卷，大失古色。酌源堂亦藏此本，紙墨頗精，捺吉氏家藏印。【經籍訪古志補遺】黃帝明堂一卷（卷子本）首題通直郎守太子文學臣楊上善奉敕撰注，前有自序云，是以十二經脈各爲一卷，奇經八脈復爲一卷，合爲十三卷，今僅存第一卷耳。按舊唐志有楊上善黃帝內經明堂類成十三卷，此無類成二字，然必一書也。森立之訪古志云，此書寶素堂藏，余所得即小島學古本，用油素雙鉤，字體精整，想見原本猶是唐人手筆。

卷末有永仁中丹波長高題識五條，亦與訪書志合。森氏稱其體手太陰一經，自肺藏形象以至經行臑穴，纖悉具載，更有注文，解臑穴名義，及主治病症，極爲精審，實係千金外臺所不有。森氏精醫術，博極羣書，所言當不誣。原本篇幅過高，不便爲摺本，乃仿宋刻字體，版以餉世，其中訛字，悉仍其舊，精斯術者，自能辨別。至楊上善相傳爲隋人，余考唐六典，魏置太子文學，晉廢，後周復置，又廢，唐顯慶中始置，然則上善本唐人，故隋志不著錄，詳見余內經太素跋文。【日本訪書志】黃帝內經明堂類成十三卷（抄本）隋通直郎守太子文學臣楊上善奉敕撰注。存第一卷。【函宋樓藏書續志】

各爲一卷，奇經八脈，復爲一卷，合爲十三卷，與唐志所稱十三卷合，當即此書也。其書取素問靈樞臑穴針灸論治分十二經編類而音釋之。其釋臑穴諸名如漢人解經，疏通證明，訓詁精確，爲自來注醫書者所未有。惜祇存肺經一卷，不得見十二經臑穴命名之義也。尚善所著，見于新唐書藝文志者，有老子道德經注二卷，莊子注十卷，老子指略論二卷，道德經三略論三卷，今皆不傳。藝文志作明堂類成，此本無類成二字，未知何故。卷末有寬元年以相傳本書寫畢一行。案寬元爲日本八十六代四條年號，其元年當宋紹定六年，蓋從七百年前抄本傳錄者。【儀願堂題跋】

黃帝內經明堂殘本跋 殘本黃帝內經明堂一卷，題曰通直郎太子文學臣楊尚善奉勅撰注，有自序。案唐書藝文志有楊尚善黃帝明堂類成十三卷，尚善自序云，十二經脈、

黃帝內經明堂殘本一卷（日本寫本）通直郎太子文學臣楊上善奉敕撰注，前有自序，其書取素問靈樞臑穴針灸論治分十二經編類而音釋之。此日本人從相傳舊本

影寫、蟲文穿穴、悉依描摹。末題寬元年號、當在宋淳祐間、鈔本流傳、不得不謂之古矣。【善本書室藏書志】

黃以周黃帝內經明堂鈔 內經素問及九卷、爲周季醫士所集、名曰黃帝、神其術也。明堂亦稱黃帝授、皇甫謐作甲乙經、謂之黃帝三部。王冰注素問、不注九卷、信中誥孔穴圖經、不信明堂、其識實出土安之上。隋楊上善有黃帝內經明堂注、其書與太素並行。太素合素問及九卷爲之、盛行於宋。林億有校本明堂注、先太素而亡。余購太素於日本、書賈以所售本非足卷、乃以楊注明堂一卷混廁其中、余得之喜甚。觀其自序云、以十二經脈各爲一卷、奇經八脈復爲一卷、合爲十三卷焉。今茲所得者、手太陰一經、乃其十三分之一耳、又何喜乎。顧黃帝明堂之文、多經後人竄改、而不見其舊。自皇甫謐刺取甲乙而後、秦承祖增其穴、楊注引其說千金方亦引

之。甄權脩其圖、孫思邈之千金、王燾之秘要、又各據後代之言、損益其間。今之所行銅人經、非王惟德所著三卷之文。今之所傳黃帝明堂灸經、尤非楊上善所見三卷之舊。古之明堂三卷、其文具存於甲乙、惜甲乙刪其文之種見素問及九卷、而其餘以類分編、不仍元文之次。楊注明堂十三卷、舊唐書已著錄、曰明堂類成、蓋亦如太素之編內經、以其散文附入本章云爾。其書以十二經脈爲綱領、各經孔穴、隸於其下、與甲乙三卷所次、體例不同。其記穴之先後、從藏逆推脈之所出、與甲乙亦異。其記穴之主病、不見甲乙、而甲乙自七卷至末、詳敘發病之源、而曰某穴主之者、其文悉與楊注明堂合。蓋皇甫楊氏皆直取明堂元文、無所增益其間也。今依楊氏所編手太陰之例、而以甲乙之文、補輯其闕、仍分爲十三卷。經曰、手之三陰、從臑走手、手之三陽、從手至頭、足之三陽、從頭走足、足之

三陰、從足走腹、夫人頭背胸腹之孔穴、無非十二經脈所貫注、以十二經脈總領孔穴、若網在綱、有條不紊、較諸皇甫氏之甲乙、本末原委、更爲明悉矣。近之作鍼灸書者、苦斯人經絡之難尋、孔穴之難檢、而以頭面肩背胸腹手足爲目、并去其某經所發、某經所會之文、如其法以治病、病卽已、終不知病原所在。而况天下有此無本之治法乎。孟子言、興庶民、拒邪慝、道在正經、余謂醫家言之龐雜、其法或驗或不驗、亦必先正其經、而後人之是非乃定。經外之言、未必無其驗者、然不驗者居多也。以其不驗之言、汨亂聖經、法愈多、治病愈失、殺人亦愈烈。曷若信而好古之爲得哉。【倣季文鈔】

### 明堂灸經八卷

北宋刊本 元刊

本 明初熊氏衛生堂重刊元本 明山西平

陽府刊本 四庫全書本 光緒間浙紳丁氏



刊本 上海大東書局刊中國醫學大成本附

馮氏校勘記一卷

舊題西方子撰。

明堂鍼灸圖三卷（先謙案後志醫家類十

七）右題云、黃帝論人身俞穴、及灼灸禁

忌、明堂者、謂雷公問道、黃帝授之、故名云、

案明堂以下、袁本脫去、瞿鈔本通考俱誤置

上銅人鍼灸圖條竦為序下、末三字原本瞿

鈔本脫、○先謙案舊鈔、明堂以下脫、【郡

齋讀書志】

西方子明堂鍼灸經八卷（入述古目、無鍼

字、）西方子不知何解、昔黃帝問岐伯、以

人之經絡、窮妙於血脈、參變乎陰陽、盡書其

言、藏於金（刊本）蘭之室、泊雷公請問、乃坐

明堂以授之、後世言明堂者、以此、今醫家記

鍼灸之穴、為偶人點識其處、名明堂、非也、

黃丕烈云、己巳夏得明刻本、題曰山西平陽

府重刊、乙亥秋見有舊刻、題曰熊氏衛生堂

重刊、知山西平陽府重刊者、謂重刊元本也。

【讀書敏求記校證】

明堂灸經八卷（浙江范懋柱家天一閣藏

本）題曰西方子撰、不知何許人、與銅人

鍼灸經俱刊於山西平陽府、其書專論灸法、

銅人惟有正背左右人形、此則兼及側伏、較

更詳密、考唐志有黃帝十二經明堂偃側人

圖十二卷、茲或其遺法歟、其曰明堂者、錢會

讀書敏求記曰、（已見前）今考舊唐書經

籍志、以明堂經脈別為一類、則曾之說信矣、

古法多鍼灸並言、或惟言鍼以該灸、靈樞稱

鍼經是也、自王肅外臺秘要始力言誤鍼之

害、凡鍼法鍼穴俱刪不錄、惟立灸法為一門、

此書言灸不言鍼、蓋猶肅志也、【四庫全書

總目提要】

明堂灸經八卷 舊本題西方子撰、不知何

許人、其書專論灸法銅人圖式、惟有正背左

右、此所繪臉穴諸圖、乃兼及側伏、尤為詳密、

其曰明堂者、素問稱雷公問黃帝以人身經

絡、黃帝坐明堂以授之、故舊唐書經籍志以

針灸諸書別為明堂經脈一類云、【四庫全

書簡明目錄】

新編西方子明堂灸經八卷（元刊本）

不題撰人姓名、西方子亦無考、目錄前有熊

氏衛生堂重刊一行、卷一列正人頭面圖、胸

膺圖、腹肚圖、卷二卷三正人手圖足圖、卷四

伏人頭圖、卷五卷六伏人手圖足圖、卷七側

人頭頸圖脇圖手圖、卷八足圖、各詳其穴處、

論可灸不可灸、較銅人鍼灸經為備、四庫著

錄、為山西平陽府本、與銅人鍼灸經合刻、是

本乃元槧之精好者、出曝書亭舊藏、【鐵琴

銅劍樓藏書目錄】

西方子明堂灸經八卷（山西平陽府刊本

）不知撰人名氏、四庫全書著錄、按崇文

總目載新集明堂灸法三卷、衛本讀書志、文

獻通考、俱作明堂針灸圖三卷、宋志作王惟



一明堂經三卷。蓋是書與銅人針灸經俱爲

宋天聖中王氏所修。故崇文有新集二字。此

本卷數雖不同。然由銅人鍼灸經一例推之。

亦可知卽其書矣。其標題上有西方子三字。

者。雖不詳西方子爲何人。大約古之善灸者。

故取以冠之。謂灸法乃西方子所傳。如素問

靈樞之冠以黃帝字也。所載人身腧穴。更詳

於銅人經。蓋銅人惟載正背左右。此更及於

側伏。二書實相輔而行。錢氏讀書敏求記所

載。離而二之非矣。【慈雲樓藏書志】

新編西方子明堂灸經八卷。按此本字體

行款。總與銅人鍼灸經同。蓋是合刻者。又有

一種明板。亦以二書併刻。而體式全同。但文

字多誤。未審何先何後。俟考。【經籍訪古志

補遺】

西方子明堂鍼灸經八卷（明刊本） 敏

求記曰（已見前）此爲山西平陽府重刊。

檢古黃周宏祖輯古今書刻。平陽府刊。祇有

銅人鍼灸經。而未列此書。按黃帝內經明堂

十三卷。取素問靈樞腧穴鍼灸論治。分十二

經編類而音釋之。此明堂鍼灸經。大約沿其

名。本其治耳。【善本書室藏書志】

西方子明堂灸經八卷（明刻本） 山西

平陽府重刊。檢古黃周宏祖輯古今書刻。平

陽府刊。祇有銅人鍼灸經。而未列此書。按黃

帝內經明堂十三卷。取素問靈樞腧穴。鍼灸

論治。分十二經編類而音釋之。此明堂灸經。

大約沿其名。本其治。而專論灸。故曰灸經。與

銅人鍼灸經不同。【適園藏書志】

### 銅人腧穴鍼灸圖經三卷

宋刊本 明正統石本 萬歷間徐三友刊本

雍正甲寅刊本

無名氏補注五卷 金大定中刊大字本 元

刊本半頁十行行二十字 宣統元年陶子麟

刊本 貴池劉氏玉海堂景宋刊本 民國上

海古今圖書館影印本 中國醫學大成覆刊

金大定本 朝鮮活字刊本

宋王惟一撰。或作王維德撰。

銅人鍼灸圖三卷（先謙案後志後醫家類

十一人。下有腧穴二字。）右皇（先謙案舊

鈔宋）朝王惟德撰。仁宗嘗詔惟德考次鍼

灸之法。鑄銅人爲式。分府藏十二經。旁注俞

穴所會。刻題其名。并爲圖法。并主療之術。刻

板傳於世。夏竦爲序。（先謙案後志下有明

堂者謂雷公問道黃帝授之故名云十五字。

係下明堂鍼灸圖文。誤入於此。）【郡齋讀

書志】

王氏惟一銅人腧穴鍼灸圖經（崇文總目

三卷）存。王應麟曰。天聖五年十月壬辰。

醫官院上所鑄腧穴銅人式二。詔一置醫官

院。一置大相國寺仁濟殿。先是上以鍼砭之

法。傳述不同。命尙藥奉御王惟一。考明氣穴

經絡之會。鑄銅人式。又纂集舊聞。訂正訛謬。